

اسم الله الجبار | الجزء 20 | #معرفة_الله | د . أحمد جلال

أحمد جلال

الله سبحانه وتعالى الجبار بنشكر دائما كسر العباد اذا حدث له مشكلة وذكرت لكم ان الصحابة رضوان الله عليهم يوم احد لما اصابوا بهذه المحنة الشديدة ربنا سبحانه وتعالى انزل سورة كاملة - [00:00:00](#)

الصورة الكاملة دي هي صورة لجبر الكسر اللي حصل عند الصحابة رضوان الله عليهم لان الصحابة من مات او من مات له قريب من الصحابة من مصيبة من الصحابة اللي مبتلى الان ابتلاء نفس غير طبيعي - [00:00:33](#)

الوضع كان صعب الواحد منا لما يبشوف مشهد من المشاهد اللي بتحدث في افريقيا الوسطى ولا تحدث في بورما بيقتد فترة طويلة نفسيا مدمر ما بالكم ان الصحابة رضوان الله عليهم شافوا ده - [00:00:55](#)

المصابين الان بحالة نفسية سيئة للغاية تنزل سورة ال عمران علشان ربنا سبحانه وتعالى يجبر الكسر اللي حصل في القلوب وتلك الايام نداولها بين الناس وليعلم الله الذين امنوا ويتخذ منكم شهداء - [00:01:22](#)

ولا تحسبن الذين قتلوا في سبيل الله امواتا. وكأيم النبي قاتل معه لبيون كثير. ام حسبتم ان تدخلوا الجنة ولما يعلم الله الذين جاهدوا منكم ويعلم الصابرين. تنزل الايات اللي تكون سبحانه الله برضه وسلام على قلوب اصحاب النبي صلى الله عليه وسلم -

[00:01:49](#)

صح جبر للخاطر جبر للكسر اللي حصل في قلوب الصحابة رضوان الله عليهم السيدة عائشة رضي الله عنها لما رميت بالفاحشة لما رميت بالزنا وكانت حالتها النفسية في غاية السوء انزل الله تبارك وتعالى سورة كاملة. سورة النور. حتى يجبر الله سبحانه -

[00:02:09](#)

سبحانه وتعالى الكسر اللي في قلب السيدة عائشة. كانت بتقول فكنت ابكي حتى ظننت ان البكاء فالق كبدي. قاعدة طول الليل تعيط تدخل امرأة من الانصار ترى عائشة بتبكي فتبكي لبكاء عائشة - [00:02:34](#)

ربنا يعلمنا المعنى الجميل ده المعنى ده هو ان الانسان منا لو في يوم من الايام مكسور كلنا لازم نكون جنبه اذا كان رب العزة سبحانه وتعالى في مثل هذه المواطن بيكون بجوار هؤلاء ليحبر الله كسرهم. علمائنا علمونا - [00:02:50](#)

فقالوا لنا تخلقوا باخلاق الله. بس احنا نشيل حته اخلاق التي ونقول تخلقوا بصفات الله تخلقوا بالصفات وبالافعال اللي ربنا سبحانه وتعالى بيفعلها وربنا هنا ينزل ايات علشان يجبر خاطر انسان يعني سبحانه الله حتى عائشة رضي الله عنها قالت والله ولشأني في -

[00:03:11](#)

كان احكم من ان ينزل الله عز وجل فيه ايات. انا شأني في نفسي احقر من ربنا ينزل في سورة كاملة. سورة كاملة تنزل عائشة رضي الله عنها. يا اخواننا جبر الخاطر - [00:03:34](#)

جبر الخاطر اللي قلت لكم دي عبادة من اجل العبادات. مش هتلاقوها الا عندكم في دينكم يعني العبادة دي مش هتلاقوها الا عندكم في دينكم. عبادة جبر الخاطر. ان ربنا سبحانه وتعالى في حالة ان انسان في يوم من الايام - [00:03:50](#)

ايات بسرعة تنزل. ذكرت لكم ايضا ذكرت لكم ايضا ان سورة المجادلة كلها من اولها لآخرها كانت نازلة عشان ربنا يجبر خاطر مين؟ خولة بنت ثعلبة رضي الله عنها اللي جوزها في يوم من الايام كسرهما. لما قال لها انت علي كظهر امي. وتروح تشتكي للنبي تقول له يا

رسول الله يعني يعني - [00:04:06](#)

ضاع معه شبابي ونثرت له بطني وفعلت له وفعلت له. والان يقول انت علي كظهر امي اؤتيكم ان الظهار كان في الجاهلية ايه؟ طلاق.

واحد قال لمراته انت علي كظهر امي. ده معناه انت طالق - [00:04:32](#)

فانزل الله تبارك وتعالى سورة كاملة وربنا سبحانه وتعالى تكلم بصورة شديدة في شأن زوجها وانهم ليقولون منكرا من القول وزورا.

ليه؟ السفيون من الايام كسر بخاطر زوجته في يوم من الايام اذاها نفسيا - [00:04:51](#)

وقلت لكم ان هذا المنهج فيه ايات كتير جدا من القرآن في ايات كتير جدا من القرآن. منها سورة المنافقون. كلها نازلة علشان مين؟ ها

افتكروا زي ابن ارقم رضي الله عنه - [00:05:15](#)

زيد ابن ارقم سمع عبد الله ابن ابي بن سلول والنبي صلى الله عليه وسلم رجع من غزوة المريسيع او ذات المصطبى او بنو المصطلق

عفوا فسمعوا بيقول لان رجعنا الى المدينة ليخرجن الاعز منها الازل. يعني مين بالاعز؟ هو وباقي المنافقين - [00:05:31](#)

ويعني مين بالازل عليه الصلاة والسلام بقول لسة زيد ابن ارقم قال لعمة عمه نقل الكلام للنبي فالنبي صلى الله عليه وسلم النبي

صلى الله عليه وسلم وبدأ يكلم عبدالله ابن ابي ابن سلول - [00:05:53](#)

فاقسم عبدالله بن ابي بن سلول انه ما قال هذه الكلمة. اتخذوا ايمنهم ايه؟ جنا اللي في اول السورة. قعدوا يحلفوا والله ما قلنا الكلام

ده طبعنا هنا موقف زيد ابن ارقم قدام الناس ايه - [00:06:15](#)

كذاب ربنا سبحانه وتعالى هو زايدنا رقم بيقول فاصبني من الهم ما لا يعلمه احد الا الله. انا اصابني هم فبت بشر ليلي. كانت الليلة

مرت علي في حياتي هو قدام النبي بقى كذاب - [00:06:29](#)

بيقول فبين انا في الطريق قد خفقت رأسي من الهم ليه يا اخوانا دايم الانسان مكسور عنه كده اهو من شدة الهم اللي فيه ربنا يا رب

ما يكتبه على حد ابد الهم - [00:06:48](#)

لان الهم كسرة للانسان الهم كسرة للانسان فبيقول انا رأسي من الهم فاذا بمن يأخذ باذني يفركها فنظرت فاذا هو رسول الله صلى الله

عليه وسلم واذا به يضحك في وجهه فزال ما لي من هم - [00:07:05](#)

وقال ابشر يا زيد لقد انزل الله تبارك وتعالى قوله يقولون لن رجعنا الى المدينة ليخرجن الاعز منها الازل في هذا الحد كان ربنا

سبحانه وتعالى يبحب عبادة جبر الخاطر - [00:07:38](#)

اه والله يا اخوانا والله يا اخوانا من اجل العبادات عند الله انك تجبر بخاطر الناس وقلت لكم النبي صلى الله عليه وسلم بعد كده بدأ

ياخذ العبادة دي اللي مليانة جبر للخاطر ويطبّقها عملي مع الصحابة رضوان الله عليهم - [00:07:56](#)

لما نزل قول الله سبحانه وتعالى يا ايها الذين امنوا لا ترفعوا اصواتكم فوق صوت النبي. ولا تجهروا له بالقول شهر ايه؟ بعضكم لبعض

ان تحبط اعمالكم وانتم لا تشعرون - [00:08:18](#)

كان في صحابي كريم هو طبيعة صوته انه جهوري مين قيس ابن ثابت قيس ابن ثابت هو طبيعة صوته جهوري يبجي مع النبي صلى

الله عليه وسلم وهو عمال يتكلم فصوته يعلى - [00:08:35](#)

فلما نزلت الاية دي هو حس ان الاية نازلة لمين؟ له هو وقاعد في بيته مكتئب حزين زعلان يعني النبي صلى الله عليه وسلم ببسأل

يا جماعة هو فين آآ ثابت ابن قيس؟ انا مش شايفه - [00:08:56](#)

قالوا يا رسول الله ودي كان وده كان من هدي النبي انه لو حد من صحابه غاب يسأل عليه منين نيتكم يوم حد من اخواننا اللي

بيحضر معنا على طول - [00:09:17](#)

غاب بقى لي فترة ما شفتوش بعث له رسالة اخبارك واحوالك انت واحشني انت فين انا ما شفتكش بقى لي كم يوم والله يا اخوانا

انت انا بيعت رسالة لسه - [00:09:32](#)

باعث لي بعدها سنة قد كده واحد يقول لي انا انا انتقلت في شغلي في مكان معين وانا مش عارف اقول لك ايه على الرسالة دي

شديدة كياني الرسالة دي عملت مش عارف هي ايه الرسالة دي عملت ايه رسالة - [00:09:54](#)

قعد يتكلم يعني انا بقيت اقول يا رب سبحان الله رسالة يعني سنة ممكن في يوم من الايام فيها تسعد انسان سبحان الله النبي صلى

الله عليه وسلم بعث الصحابة يسألوا عن ثابت ابن قيس - [00:10:09](#)

فلقوه قاعد في البيت حزين لو واحد في البيت حزين مالك يا ثابت قال حبط عملي خلاص حبط عملي انني لارفع صوتي عند رسول الله راحوا جريوا للنبي صلى الله عليه وسلم. يعمل ايه النبي صلى الله عليه وسلم؟ فقال صلى الله عليه وسلم اذهبوا اليه الان وقولوا له بل انت - [00:10:26](#)

رجل من اهل الجنة بل انت ايه؟ انت واحد من اهل الجنة جبر خاطر النبي صلى الله عليه وسلم يبجبر خاطر عارفين قصة القلادة؟ القلادة الزينية عارفينها ولا مش عارفينها - [00:10:52](#)

مين يعرف القصة قناة الزينية واحد خديجة رضي الله عنها السيدة زينب بنت النبي صلى الله عليه وسلم كان متزوجة من ابو العاص ابن الربيع ولما مات السيدة خديجة رضي الله عنها كان عندها قلادة كده - [00:11:16](#)
فاللي خدت القلادة دي مين؟ بنتها زينب ابو العاص بن الربيع فضل فترة طويلة على الكفر ومش عايز يسلم. لحد ما جت غزوة بدر. اهل مكة ضغطوا عليه وقالوا له لازم تطلع معنا - [00:11:40](#)

طلع يحارب. كان من ضمن السبعين اللي اسرهم النبي صلى الله عليه وسلم السيدة زينب قاعدة في مكة حزينه زوجها مأسور عند النبي صلى الله عليه وسلم. تخيلوا في يوم من الايام زوجة زوجها مسلا امن الدولة خدوها - [00:11:55](#)
ربنا يا رب ما يكتبها على حد يا رب. خدوه في يوم من الايام. هي قاعدة في هناك في بيتها وضعها ايه؟ عملوا فيه ايه؟ آآ كهربوه ضربوه علقوه عملوا معه ايه - [00:12:11](#)

هو ده زبط ربنا يجعل الكلام ده خفيف عليكم تخيل بقى مشاعر السيدة زينب هناك في المدينة الوضع عامل ايه؟ عفوا في مكة الوضع عامل ايه في نفسيا مشنوق جدا - [00:12:27](#)
فقررت ان هي ترسل حاجة تفتدي زوجها بها لا تملك شيء هي لا تملك شيء من الدنيا الا الايه الى القلادة وارسلت هذه القلادة مع اخي العاص ابن الربيع ابي العاص ابن الربيع - [00:12:54](#)

خد القلادة وطلع بها على النبي صلى الله عليه وسلم ولسه بيرفع القيادة كده وبيقول للنبي صلى الله عليه وسلم يا محمد هذه القلادة ارسلت بها زينب لتفتدي بها زوجها ابي العاص بن ربيع - [00:13:18](#)
القلادة دي قيادة مين مستشفى الان موقف النبي صلى الله عليه وسلم عمال يبص على القلادة ويفتكر بها شكل السيدة خديجة وهي داخله عليه هي داخله عليك ولا بسة القلادة كلام النبي لخديجة - [00:13:41](#)

والنبي يفتكر بقى وقت ما كان في مكة وخديجة ومواقف خديجة انا حاسس ان الموقف ده حياة النبي مع السيدة خديجة كلها ايه؟ مرت عليها ايه بسرعة اوي القيادة دي مش غالبية عند السيدة زينب - [00:14:09](#)
دي في حد ذاتها كسرة كبيرة جدا للسيدة زينب نضحي بالقلادة بتاعة السيدة خديجة رضي الله عنها فالنبي صلى الله عليه وسلم استشعر انكسارها وانكسار خاطرها في الوقت ده النبي صلى الله عليه وسلم قال - [00:14:30](#)

هل ترد لها قيادتها وتحسن الى اسيرها يكن ذلك خيرا لكم ويرد النبي صلى الله عليه وسلم ابن الربيع ومعه قلادة خديجة لزينب يبجبر بخاطرها اسمه جبر خاطر يبجبر النبي بخاطرها - [00:14:55](#)
لكن حال النبي في كل موقف كان ممكن في يوم من الايام حد خاطره يتكسر الصحابي رضوان الله عليهم اللي هجروا للحبشة وصلوا المدينة سنة كم ايه يا اخوانا هو ما فيش سيرة خالص - [00:15:34](#)

اه هم قعدوا في الحبشة حوالي اربعتاشر سنة هم خرجوا سنة خمسة من البعثة يبقى وصلوا للتلاشر. وبعد كده سبعة كمان وصلوا لكاهم يبقى بصوا من سنة سبعة هجرية بعد مقدم رسول الله صلى الله عليه وسلم من غزوة خيبر - [00:15:54](#)
رجع النبي صلى الله عليه وسلم من غزوة خيبر وكانوا الصحابة يقولوا احنا مش عارفين هو النبي فرحته كانت بايه اكثر بانتصاره على اليهود في خيبر عليهم لعنة الله؟ ولا بعودة المهاجرين - [00:16:21](#)

النبي راجع من خيبر كده وهو سامع ان المهاجرين بتوع الحبشة وصلوا منهم بقى جعفر دخل سيدنا عمر بن الخطاب رضي الله عنه على ابنته حفصة فوجد عندها اسماء بنت عيسى - [00:16:34](#)

عندها مين ؟ اسماء بنت عميس. وكانت اسماء الزوجة لمن لا ده هي اتجوزت ابو بكر بعد كده بعد جعفر ان شاء الله السيدة اسماء بنت بنت بنت عميس رضي الله عنها - [00:16:51](#)

يعني ربنا يبارك لها يعني. تزوجت جعفر ولما مات جعفر تزوجت الصديق. ولما مات الصديق تزوجت علي ما شاء الله يعني من خير البيوت يعني السيدة اسماء قاعدة بقى مع حافزة بتحكي لها اللي كان موجود في - [00:17:06](#)

تدخل عليها عمر فقال يا حفصة من هذه؟ قالت اسماء بنت عميس قالت المهاجرة قال المهاجرة اللي هاجرت للحبشة حفصة نعم فقال عمر نحن اولى برسول الله منكم سبقناكم الى الهجرة - [00:17:22](#)

وكنا مع رسول الله فنحن اولى برسول الله منكم السيدة اسماء رضي الله عنها انكسرت جدا. اه فعلا هي ما ادركتش هجرة المدينة مع النبي صلى الله عليه وسلم ولكن آآ هو عمر ايه يا عمر - [00:17:47](#)

وقالت والله يا عمر كنا في ارض البعداء والبغضاء نعبد الله سبحانه وتعالى. وانتم مع رسول الله صلى الله عليه وسلم. يطعم جائعكم ويكسو عاريكم. ووالله يا عمر لا اسكت حتى اخبر رسول الله بما ذكرت - [00:18:03](#)

وتطلع اسماء رضي الله عنها مكسورة خاطر بين ايدين النبي صلى الله عليه وسلم ازاى عمر يقول لها نحن اولى برسول الله منكم وقالت يا رسول الله كان من عمر ان قال كذا وكذا وكذا - [00:18:25](#)

فقال صلى الله عليه وسلم لا والله ليسوا باولى بمنكم. وانني لارجو ان يكتب الله تبارك وتعالى لكم الاجر مرتين ويكتب لكم الهجرة مرتين قال ابو موسى الاشعري وهو بالحديث فكانت الرفقة الاشعرية تأتيني لتسمع مني هذا الحديث لان الله قد جعل لنا هجرتنا ايه - [00:18:41](#)

النبي هنا بيذكرها بفضلها. وقال لها لاه اذا كان عمر هاجر مرة واحدة فانتم هاجرتم ايه؟ الاجر مضاعف عندكم ده اسمه ايه جبر خاطر بنسور جبر خاطر الجميلة قوي اللي ربنا سبحانه وتعالى نزلها في القرآن - [00:19:07](#)

صورة مسألة السيدة زينب بنت جحش رضي الله عنها لقيت سورة الاحزاب سيدة زينب بنت جحش كانت اين عبد شمس فتاة قريش الاولى النبي صلى الله عليه وسلم اراد في يوم من الايام انه يكسر العادات اللي كانت موجودة في الجاهلية - [00:19:32](#)

ان الزواج انما بينوا ان يكون مبني على العيلة والشرف ونسبي فاراد النبي صلى الله عليه وسلم ان يزوج زينب بنت جحش وهي اين قريش لمن؟ لزيد ابن مين؟ لزيد ابن حارثة وكان - [00:19:56](#)

عند النبي صلى الله عليه وسلم فقالت يا رسول الله تزوجني مولاك وانا ايمن بني عبد شمس ده انا ايم بني عبد شمس نزل قول الله عز وجل انما كان قول المؤمنين وما كان لمؤمن ولا مؤمنة اذا قضى الله ورسوله امرا ان يكون لهم الاله - [00:20:12](#)

الخيرة من امرهم ربنا قضى شيء خلاص الموضوع انتهى ما تزوجته ولكن شاء الله سبحانه وتعالى ان الزواج ده ينتهي سريعا بالطلاق ما تمش. الزواج ده تم اه. بس ما اكتملتش اه اه ما اكتملتش هذا البيت - [00:20:34](#)

وحصل طلاق بين السيدة زينب وبين زيد ابن الحارثة رضي الله عنها فتخلوا الان هي تزوجت ابتغاء وجه الله ولا لاه؟ هو مش ربنا اللي امر خلاص. طب تخلوا لما اتطلقت الطلاق كسر - [00:20:56](#)

كسر المرأة لا شك في ذلك فلما حصل الطلاق اتكسرت هذه المرأة الله سبحانه وتعالى يعلم ان زينب اصلا ما تزوجت ابتداء الا لان ذلك طاعة لله ولرسوله فكان لابد ان تأتي اللحظة اللي فيها ربنا يجبره ايه؟ يجبر كسرهما. ويعطيها الله سبحانه وتعالى ميزة ما اتاها الله عز وجل - [00:21:11](#)

لاحد من نساء العالمين ربنا ادى لها حاجة لم يعطها لاحد قال الله عز وجل نزل ربنا آيات لها هي لزينب بنت جحش مخصوصة بها. فلما قضى زيد منها وتراها زوجها - [00:21:40](#)

فكانت زينب بنت جحش رضي الله عنها تقعد مع زوجات النبي فتقعد بقى تتفشخ قدامهم كده وتقول لهم ايه؟ زوجكن اهالي يقول وزوجني من؟ وزوجني ربي من فوق سبع سماوات. ده اسمه ايه - [00:21:57](#)

جبر خاطر ده اسمه ايه يا اخوانا انه جبر خاطر اقول لكم من اعجب صور جبر خاطر اللي اتكلم عنها العلماء هي جبر خاطر مع اهل

المعصية ربنا سبحانه وتعالى يجبر خاطر اهل المعصية - 00:22:14

بيسألوا عبدالله بن عباس رضي الله عنه بيسألوه فيقولوا له ما هي ارجى اية في كتاب الله عز وجل يقول لهم ايه ؟ يلا كل واحد يفكر كده اية يعني اخطر اية تخلينا مطمئنين - 00:22:35

اكثر اية تخلينا نرجو رحمة الله عز وجل. نرجو المغفرة. ايه ارجى اية في كتاب الله ادي واحدة ان الله لا يغفر ان يشرك به ويغفر ما دون ذلك ان يشاء. لا. ورحمتي وسعت كل شيء؟ لا. قل يا عبادي الذين اسرفوا - 00:22:53

لا تقنطوا من رحمة الله لأ يغفر له وقد سلف برضه لأ قال ابن عباس ارجى اية في كتاب الله عز وجل قول الله سبحانه وتعالى فيمن تكلم بالالفك وليعفو وليصفحوا الا تحبون - 00:23:11

ان يغفر الله لكم لسة مش فاهمينها ما هو ابن عباس كان له فهم معين كده ابن عباس يقول ان هذه الاية نزلت في شأن من طعن في عرض رسول الله - 00:23:31

مين ؟ مصطح. مصطح ابن اثافة. صح كده ؟ ومع ذلك ربنا سبحانه وتعالى يقول لابي بكر الصديق اعد نفقتك على مصلح ويعد الله سبحانه وتعالى ابو بكر بالمغفرة. اذا عفا عن من ؟ اذا عفا عن مصلحة. ليه يا اخوانا؟ تعالوا نفهمها واحدة واحدة. مصلح يتكلم -

00:23:48

في عرض السيدة عائشة انزل الله براءة السيدة عائشة منظر نشطح بين الناس ايه شكل مسطح بين الناس ايه انكسار مسطح بين الناس شكله عامل ازاى خلاص نزلت الاية اتكسر مسطح ابن اثافة رضي الله عنه - 00:24:12

وهيبقى ماشي حاطط وشه في الارض ربنا سبحانه وتعالى يقول وليعفووا وليصفحوا مكان ابن عباس يقول ووالله انني لا اتعجب من اقوام طعنوا في عرض نبيه وامر الله المجتمع في هذا الوقت ان يعفو عنه وان يصفحوا له - 00:24:33

بيجبر بخاطر الانسان اللي اذنب ده سورة الممتحنة كلها نازلة علشان مين ؟ ما انا بقول لكم يا اخوانا ربنا سبحانه وتعالى جبر للخاطر ممكن يكون مع الانسان في وقت محنة نزلت به - 00:24:57

وممكن يكون جبر ربنا سبحانه وتعالى للخاطر مع انسان في يوم من الايام عصى ربنا سبحانه وتعالى صحابي كريم كان ممن شهد بدر سورة الممتحنة كلها نازلة علشان مين حاطب النبي بلتهب - 00:25:18

واحد من فقراء الصحابة ما لهوش ظهر ولا له عيلة كبيرة في مكة وكان بيحب ان يكون له يد له جميل على اهل مكة علشان يحفظوا له اولاده وزوجته فلما النبي صلى الله عليه وسلم بعث لما النبي بدأ يجهز الجيش لفتح مكة. بعث رسالة لاهل مكة يجبرهم ان النبي جاي يفتح مكة. مش خيانة - 00:25:39

مش خيانة مش خيانة عظمى للدولة المسلمة في الوقت ده. لأ خالص. ولكن المسألة ان يكون له جميل على اهل مكة علشان ايه ؟ علشان ايه على اهله والنبي صلى الله عليه وسلم يعلم ذلك - 00:26:03

ويجب النبي صلى الله عليه وسلم حاطب ابن ابي بلتعة والنبي في ايده الرسالة اللي كتبها ولما النبي صلى الله عليه وسلم يسأل حطب انت عملت كده ليه يقول له لا يا رسول الله والله ما خيانة لله ولرسوله - 00:26:22

ولكن اردت ان تكون لي يد على اهل مكة وقال عمر يا رسول الله دعني اضرب رأس هذا المنافق سيدنا يا رسول الله اضرب اضرب عنق اموته النبي صلى الله عليه وسلم يقول لا لا - 00:26:38

لا يا عمر انه قد شهد بدر شوفوا جبر الخاطر مع واحد عصى ربنا لا يا عمر. لا انه قد شهد بدر وان الله اطلع على اهل بدر فقال اعملوا ما شئتم فقد غفرت لكم - 00:26:56

حتى جبر الخاطر يا اخوانا مع من عصى اه حتى قبل الخاطر ما عمل عصا مش معنى ان في يوم من الايام اخ من اخوانك يعني عصى ربنا سبحانه وتعالى ان انت تشتمه او تهجره او ان انت تؤذيه بكلمة او ان انت كل شوية - 00:27:15

تزله بالزنب اللي هو وقع فيه لا يا اخوانا والله والله يا اخوانا كم قابلت من شباب والله يا اخوانا كم قابلت من شباب الشباب دول ظاهريهم كده فسقة فجرة مجرمون. ده الظاهر - 00:27:31

ولما تقعد معهم تذكرهم بالله. والله يا اخوانا تجد في قلوبهم رقة لا تجدها في قلب انسان ملتزم من سنين كنا بنصور برنامج الفترة
اللي فاتت برنامج رمضان. حلقات رمضان كنا بنصورها - [00:27:49](#)

وكنا قلنا ان احنا نشوف حد من اهل التخصص شوية كانت من ضمن الناس اللي جم اشتغلوا معنا لفترة بنت متميزة جدا في مجالها
وسايرة شعرها وبتلبس سيء جدا سبحان الله لما ذكرناها بالله - [00:28:03](#)

سبحان الله! تجد في قلب البنت دي رقة على فكرة هو غلط هو غلط بس سبحان الله يا اخوانا جعلنا الله سبحانه وتعالى باب لها
نفتح لها الباب كده قدام ربنا سبحانه وتعالى. تعالي يا بنتي خشي الباب - [00:28:27](#)

مممكن تلاقي في قلب هؤلاء العصارة رقة لا نجدها في قلب احد تاني ملتزم مثلا انا مش بقول ان دول افضل من الملتزمين ابدا. لا لا
خالص الانسان التزم احسبه عند الله عز وجل افضل - [00:28:51](#)

ولكن انا بقول جبر الخاطر دايمًا لمن عصى الله سبحانه وتعالى عبدالله بن حمار اللي كان بيشرب الخمر وكثيرا ما ياتي لرسول الله
صلى الله عليه وسلم ويقيم علي الحد مرة واثنين وثلاثة - [00:29:05](#)

والنبي بيقوم عليه الحد في مرة من المرات قال خالد اخذك الله ما اكثر ما يؤتى بك لرسول الله صلى الله عليه وسلم وقال النبي
صلى الله عليه وسلم لا يا خالد - [00:29:21](#)

لا تسبه يا خالد فوالله ما علمت الا انه يحب الله ورسوله لا يا خالد ما تقولش كده شوفوا اخوانا جبر الخاطر على فكرة عبدالله بن
حمار بعد الموقف ده - [00:29:37](#)

بعد الموقف ده وبعد ما سمع الكلمة دي ما علمت الا انه يحب الله ورسوله. لما لقي في يوم من الايام حد جبر بخاطره وهو المعصية ما
ذكرت كتب التاريخ ولا كتب السنن ان عبدالله بن حمار رجع مرة ثانية للذنب خلاص الموضوع انتهى. الرجل ده بيحب - [00:29:56](#)

ربنا وبيحب النبي جبر الخاطر يا اخوانا جبران الخاطر بما يكون جبران الخاطر اللي انا عايزه منك النهاردة
انك تكون انسان مصدر سعادة لكل احد حوايك - [00:30:16](#)

انك تكون اي حد مكسور حوايك انت اول واحد في ظهرك. انت اول واحد في ظهرك جبران الخاطر ده في بعض الاوقات انما
يكون بالكلمة آآ سين عملت فيديو دعوي متميز جدا - [00:30:36](#)

شفتهم في ناس هو عمل واللايكات عنده اكثر من اللي عندي والشير عنده اكثر من اللي عندي ابعت له ايه اللي انت بتقوله ده؟ ده انت
بتقول كلام كله غلط - [00:30:58](#)

بيحصل بيحصل لا والله جبران الخاطر بكلمة او انبعت على طول الرسالة ان شاء الله لا قوة الا بالله. الفيديو ده انت كنت موفق فيه
جدا. الفيديو ده اثر في جدا - [00:31:12](#)

الفيديو ده ربنا يكرمك فعلا غير فيها كثير جدا. شكرا لك الرسالة دي الرسالة دهى الكلمة البسيطة دي تفرق كثير جدا جبران الخاطر
قد يكون بالكلمة وعلى فكرة اسمعوها مني في كتب السنن يا اخوانا صحيح البخاري صحيح مسلم ابي داود الترمذي النسائي ابن
ماجة مسند احمد وغيرها من كتب - [00:31:27](#)

الكتب اللي صنف على المواضيع تجد دايمًا فيها كتاب كده اسمه كتاب الفضائل صح وبقول لك فضائل الانبياء فضائل الصحابة.
فضائل الصحابة دي انا بعد دايمًا الاحاديث اللي النبي صلى الله عليه وسلم ذكرها في شأن الصحابة هي - [00:31:54](#)

في نوع من الانواع اللي بيحجر فيها النبي صلى الله عليه وسلم لخواطر الصحابة النبي صلى الله عليه وسلم يقابل معاذ ابن جبل ذات
يوم فالنبي صلى الله عليه وسلم يقول له يا معاذ والله اني لاحبك - [00:32:12](#)

الكلمة دي عملت ايه في معاز؟ بتعمل ايه فيه انا بحبك انا بحبك بس بتصل لحد امبارح امبارح سبحان الله انا قعدت اتصل بناس
كثير جدا يعني اتصل بحد حبيبي قوي امبارح - [00:32:27](#)

اه في بينا وبين بعض شغل اخبارك واحوالك عامل ايه؟ والكلام دون؟ والاخبار والحوال؟ قال لي والله الحمد لله زي الفل. وبالنسبة
للشغل؟ قلت له لأ لحزة واحدة المكالمة دي لله - [00:32:51](#)

واحوالك انا والله بتصل بس تطبيقا لسنة النبي صلى الله عليه وسلم اذا احب احدكم اخوه فليعلمه انا انا انا بحبك في الله بجد انا بحبك في الله زوجتي جوة بتقول لي طب وانا فين؟ طب وانا الرسايل دي فين - [00:33:05](#)

والله يا اخوانا والله مثل هذه الامور فيها جبران الخواطر انك تبعت رسالة لوالدك او لوالدتك بعت رسالة لوالدك او لوالدتك كلمة طيبة كلمة جميلة انك تبعت لوزك تقول له والله يعني انا عارف انت قد ايه تعبت وقد ايه اتبهدلت طول حياتك علشاننا - [00:33:31](#)

وانا مقدر جدا ان انت في يوم من الايام والله حرمت نفسك من الاكل علشاننا ربنا يا رب يجزيك عنا خير. ربنا يا رب وتدعي له دعوة كويسة. ويا رب يا رب كده عني يا ربنا يعني كده. اذا كنت طول عمري خدام لك - [00:33:51](#)

يا اخوانا هي دي قيمة معرفة اسماء الله الحسنى ان احنا نتعلم المعاني دي هنتعلم المعاني دي ما تقول له كده يعني ربنا يعني ان انا اكون خدام تحت رجلك. انت مش متخيل؟ انا عارف طبعا ان ابوك مش هيصدق. انا متيقن من كده. وهيقول لي الواد ابن -

[00:34:09](#)

عايز حاجة اكيد. انا عارف. بس ابعتها له النهاردة او ابعتها لوالدتك عارف ان منكم اللي كشر شوية وقال بس انا والدي ووالدتي ماتوا اقسم لكم بالله يا اخوانا دعاءك لهم النهاردة وانت ساجد - [00:34:28](#)

والله فيه جبر لهم في قبورهم انك النهاردة في صلاة العشاء وانت ساجد قل آ رب ارحمهما كما ربياني صغيرا صدقني والله يجبرهم الله عز وجل ويسعدهم الله في قبورهم - [00:34:51](#)

كما يسعد الالباء الاحياء بعد الكلمة الطيبة اللي الولد هيقولها لهم انك تروح النهاردة البيت. يا اخوانا والله المعاني دي احنا مفتقدينها في حياتنا والله احنا مفتقدينها في حياتنا والدتك للزوف اللي مصر بتمر فيها هي مش قادرة يعني - [00:35:13](#)

مش قادر تشتري اكل مش قادر تشتري اكل انك تكون وهي حاطة لك الاكل اللي اتحط قدامك اربع مرات في الاسبوع ده بدل ما تقعد تتأفف وتتنرفز وتغضب وتقول او كل يوم مش عارف ايه - [00:35:33](#)

ربنا يكرمك تسلم ايدك الاكل ربنا يا رب يحفزك. ربنا يخليك لنا اقسم لكم بالله لربما تكون هذه الكلمة افضل عند الله من سنين طويلة انت فيها صائم قائم والله يا اخوانا الكلمة اللي انت تقولها لوالدك ووالدتك بالصورة دي فتفرحهم لربما تكون اسعد - [00:35:50](#)

لربما تكون اعظم عند الله عز وجل في الاجر من سنين طويلة انت فيها صائم قائم انك تفرح بس انسان ولا سيما اذا كان هذا الانسان الاب او الام انك تجبر بخاطرهم - [00:36:18](#)

انك تجبر بخاطرهم. النبي صلى الله عليه وسلم علمنا ده. فالنبي صلى الله عليه وسلم في يوم قاعد مع زوجاته فييقول آ اكمل من النساء كثير ولم يكمل من النساء الا اربع خديجة بنت خويلد وفاطمة بنت محمد واسية بنت مزاحم ومريم ابنة عمران. مين -

[00:36:36](#)

الي قاعد قدام النبي مين اللي قاعد قدام النبي؟ عائشة. تتكسر ولا ما تتكسرش؟ ثم قال صلى الله عليه وسلم وفضل عائشة على النساء كفضل الايه ليه يا رسول الله تزيل هذا الحديث بهذا المعنى - [00:36:56](#)

اخوانا اجبر بخاطرها اجبر بخاطرها النبي لما يقعد مع عائشة رضي الله عنها ويقول لها يا عائشة لقد اتاني الملك في صورتك الملك جالي كده وجاب لي صورتك كده ان انا اتزوجك. النبي ليه بيقول هذا الكلام - [00:37:11](#)

ليه بيقول هذا الكلام؟ اخوانا جبران الخاطر. بيحجر بخاطرها اجبر بخاطر زوجتك اجبر بخاطر زوجتك. اخوانا انتم مستشعرين معنى جبران الخاطر ان النبي صلى الله عليه وسلم طالع لغزو الذات السلاسل بيودع الجيش - [00:37:30](#)

نص نص المدينة طالعة تحارب والنص الثاني طالعة تودع. عمرو بن العاص يقول للنبي يا رسول الله من احب الناس اليك؟ النبي يقول مين ابو عيشة واقفة جنبه طب كان شكلها ايه دلوقتي - [00:37:48](#)

شعورها ومشاعرها ايه دلوقتي انا حاسس انها بقت فوق عائشة جبران الخاطر آ جبران الخاطر بالكلمة جبران الخاطر بالكلمة لما جابر رضي الله عنه ابوه مات لسه الطفل الصغير جابر ابن عبدالله - [00:38:02](#)

والنبي صلى الله عليه وسلم في غزوة احد وكانت السيدة عائشة معه في احد بتسقي آ المرضي وتداويهم النبي صلى الله عليه وسلم

لما شاف آآ جابر مات وطبعا انتم عارفين ان جابر اصلا امه ماتت وهو صغير ايضا - [00:38:32](#)

دبوبة امه ماتت فالنبي صلى الله عليه وسلم يسبب كل الاحزان وكل المشاكل اللي في ارض المعركة وياخذ عائشة ويروح لجابر

رضي الله عنه ويقول له يا جابر اما ترضى ان اكون انا ابوك وهذه امك - [00:38:46](#)

انت وامي يا رسول الله عارف ان جابر في الوقت ده مكسور ابوه مات يا اخوانا وامه ماتت. ضهره اتكسر. موت الاب ده كسر الضهر

موت الاب كسرة ضهر اي انسان - [00:38:58](#)

فالنبي يروح يقول له يا جابر اما ترضى ان انا اكون مكان ابوك وعائشة تكون مكان امك يا رسول الله انت فيك ما فيك اصلا. يعني

النبي في غزوة احد فيه ما فيه - [00:39:24](#)

دماغه مفتوحة وبتنزف دماء. وسنانه متكسرة صلى الله عليه وسلم. ولسه خده مفتوح علشان الحلقة بتوع المغفر دخلوا في وجنة

النبي يعني النبي وشه كده متشوه السيدة عائشة السيدة فاطمة رضي الله عنها توقف الدم ما بيقفش. وقف الدم ما بيقفش. النبي

يسبب كل ده. حمزة عم النبي صلى الله عليه وسلم متقطع تحت في قلب الارض - [00:39:38](#)

فرض الرب مبكورة وودان متقطعة ومناخير متقطعة ومتمسسل بجسده. متخيل جايبين السكاكين وعمالين يقطعوا في جسد حمزة

النبي ساب ده كله ويروح على جابر يقول له يا جابر يعني اما ترضى ان انا اكون ابوك وعائشة تكون امك - [00:40:02](#)

شفتكم جبر الخاطر؟ شفتكم جبر الخاطر؟ ايه ده ايه ده موقف تاني مع جابر رضي الله عنه اقول لك حياة النبي كلها جبران خاطر النبي

لما خرج في غزوة ذات الرقاع - [00:40:24](#)

كان من هديه صلى الله عليه وسلم اذا خرج في السفر لا يكون اول الناس. بل يكون اخر الناس. ليه علشان الضعيف والمحتاج حاجة

النبي معه ورا. صلى الله عليه وسلم - [00:40:44](#)

ماشي فالنبي صلى الله عليه وسلم جابر بقى بيحكى فيقول ان الجمل بتاعي اصابه مرض فكان يتأخر حتى كنت في اخر الناس

فضل جمل يتأخر يتأخر يتأخر فاذا انا بمن يأتي من ورائي ويقول ما لك يا جابر - [00:40:59](#)

قال فالتفت فاذا هو صلى الله عليه وسلم. الكلمة يا اخوانا شوفوا الكلمة في جبران الخاطر. ما لك يا جابر جابر على فكرة غزو ذاتي

لقاء اربعة او خمسة على اختلاف بين اهل العلم - [00:41:19](#)

غزوة ذات الرقاع كانت بعد احد لسه جابر ضهره مقسوم. وجابر فقير وجابر دلوقتي متحمل مسئولية تسع بنات اخواته فالنبي صلى

الله عليه وسلم عايز يساعده فلوس بس الصحابة يا اخوانا كانوا ناس اهل عفة ما كانوا بيقلوا فلوس من حد - [00:41:35](#)

فالنبي عايز يدي لجاب الفلوس يجبر خاطره ويساعده في ايه؟ ويساعده في ايه؟ في تربية التسع بنات. فالنبي صلى الله عليه وسلم

يقول له يا جابر بعني جملك جمل ايه - [00:41:55](#)

المريض وبيموت وخلص انتم عارفين العربية اللي بتيجي تمشي تفضل تعمل كده هو الجمل كده تشتري ايه يا رسول الله؟ قال له

اشتري منك الجمل. انا هشتري منك الجمل ده - [00:42:11](#)

ماشي فاعطاني فذكر لي السمن وزاد يعني لو تمنه تلتمية الدنيا بخمسمية مسلا وزاد وقال النبي صلى الله عليه وسلم اخذ منك

الجمل اذا عدت المدينة. مش هياخدوا منك دلوقت. ماشي كده - [00:42:28](#)

ثم اخذ النبي صلى الله عليه وسلم يطعن في خاصرة الجمل بعود كان معه حتى كان الجمل بعد ذلك اصح ما يكون عليه الصلاة

والسلام. هذه من معجزاته صلى الله عليه وسلم. الجمل كان بيموت. فالنبي صلى الله عليه وسلم نغزه في خاصرته كده بعوده كان في

يده. فكان من اصح ما - [00:42:45](#)

تكون يقول جابر فلما تقدم النبي فكان في مقدمة الركب كنت اخذ بزمام الجمل حتى لا تتقدم حتى لا يتقدم جمل على ايه؟ ها؟ على

النبي صلى انا عمال ايه عمال افرمل. يعني عمال افرمله وهم ما بيفرملش. هو بيجري. كان بعد ما كان اخر حاجة - [00:43:06](#)

قال فلما وصلت المدينة اعطاني النبي صلى الله عليه وسلم المال وزاد. ثم قال يا جابر الجمل لك هدية الجمل لك ايه هو النبي حب

يوصل له حاجة كده بس يعني - [00:43:26](#)

النبي صلى الله عليه وسلم موقفه مع زاهر تطيبب خاطر بالكلمة آآ النبي صلى الله عليه وسلم مع زاهر عارفين زاهر؟ كان رجل من اهل البادية وكان دميم الخلقة جدا - [00:43:42](#)

كل ما يتقدم يا عيني لواحدة يترد. يترفض كل ما يتقدم لوحده يترفض. كل ما يتقدم لوحده يترفض في يوم النبي بعته لحد

فاترفض ثاني يوم الصبح النبي صلى الله عليه وسلم لقاها في السوق - [00:43:58](#)

انتم عارفين الواحد لما يكون مهموم فرأى النبي زاهرا كئيبا حزينا فجاء النبي صلى الله عليه وسلم من ظهره واحتضنه وبيهرز معه.

من يشتري العبد؟ من يشتري العبد؟ هو ما يعرفش هو مين؟ فقال اليك عني اليك عني من انت؟ قال فالتفت فاذا هو رسول الله -

[00:44:15](#)

صلى الله عليه وسلم. قال فعدت بظهري حتى يمس ظهري ايه صدره صلى الله عليه وسلم ثم قلت يا رسول الله تجدني كاسدا

تجدني كاسدا كاسدا يعني ايه؟ الخلقة دي مين هيشتريها - [00:44:38](#)

في اسماعيل ياسين زمان لما كان آآ هو يقول يا رسول الله يعني الخلقة دي مين يشتريها اصلا يعني تجدني كاسدا وقال صلى الله

عليه وسلم يا زاهر ولكنك عند الله لست بكاسد انك عند الله غالي - [00:44:59](#)

اللي بيتكلم بهوا ولا بيتكلم بوحى. ده انت عند ربنا ايه غني اوي اوي نفسيته دلوقتي اخبارها ايه ننسى كل حاجة جبران

الخاطس. حياة النبي كلها كده حياة النبي كلها كده. فجبران خاطر اولاً ربما يكون بالايه؟ ها؟ بالكلمة الطيبة. طب بعد ازكم ممكن

كل واحد فيكم النهاردة - [00:45:17](#)

اديني مسال هيجبر خاطر مين وهيقل ايه واحنا قاعدين كده نتدرب ما هو تدرب بقى. سيبونا من الكلام بقى خلونا نتدرب. يلا

احمد هتجبر خاطر مين النهاردة طب اهو لازم تقول نتعلم منك - [00:45:44](#)

انا عارف انت هتجبر بخاطري انا عارف. احبك الله ونزحتني فيه. ها يا عم قول قول والدتك ها هتشتري لها حاجة وانت مروح ماشي

ها عم الحاج ابراهيم بركة المسجد - [00:46:02](#)

ربنا يحفظك. كم سنة يا حاج ابراهيم يا رب كمان ميت سنة عليهم. ان شاء الله في طاعة الله عز وجل هاتي لكم بخاطر مين زوجتك

يعني الحب بعد خمسة وسبعين لسة موجود؟ موجود بجد الله اكبر الله اكبر ما شاء الله لا قوة الا بالله ربنا يحفظها لك ويجعلها قرّة

عين لك في - [00:46:27](#)

دكتورنا الغالي كتير ميم حاجة في السر. حاضر ماشي. على فكرة انا بحب الشوكولاتة جدا. طيب. يبقى اذا ممكن اول حاجة جبران

الخاطر ان جبران خاطر يكون بالايه بالقوال بالكلمة الطيبة. ماشي كده؟ بالله عليكم خذ قرار النهاردة انا مش هخرج من المسجد

غير لما تكون عندك كده لست فيها على الاقل عشرة انت ان شاء الله تبقي مخطورهم النهاردة. اتنين - [00:46:52](#)

وقد يكون جبران خاطر يا اخوانا بافعال العبد قد يكون جبران خاطر بفعلك ممكن الانسان منا لا يحسن الكلام ممكن سمّنة لا

يحسن الكلام ولكن يحسن الفعل وكان رسول الله صلى الله عليه وسلم من احرص الناس على هذا الامر انه يجبر خواطر الناس

ويجبر الناس بفعاله صلى الله عليه وسلم - [00:47:24](#)

يقول جرير رضي الله عنه جاء وفد جاء وفد الى رسول الله صلى الله عليه وسلم مجدى بالنمار يرى عليهم اثر الفقر ناس فقراء جدا

فقال فنظرت الى وجه رسول الله فتمهر وجهه - [00:47:52](#)

فصعد المنبر وقال تصدق احدكم من صاع بره تصدق احدكم من صاع تمره تصدق احدكم من ثيابه تصدق احدكم من كذا تصدق

احدكم من كذا ناس فقراء قاعدين في اخر المسجد لا يملكون شيئا. النبي يقول قوموا يا اخوانا ساعدوا الناس دي - [00:48:18](#)

قال حتى رأيت بين يدي رسول الله صلى الله عليه وسلم كومين عظيمين من ثياب وطعام. فنظرت الى وجه رسول الله صلى الله

عليه وسلم كأنه ايه؟ كأنه مذهبة. حتة ذهب - [00:48:37](#)

ليه؟ النبي هيجبر بخاطر الناس دي. الناس دي جاية فقيرة وجعانة وما عهاش هدوم. الكل يا اخوانا يقوم قوموا اجبروا بخاطر الناس

دي. ويقوم للنبي صلى الله عليه وسلم ويجبر بخاطرهم يوزع لهم الطعام ويوزع عليهم - [00:48:52](#)

يا الله ايه ده اقول لك ما هو اعظم من ذلك اقول حديث ونكمل بعد الصلاة جبران الخاطر في حياة النبي كان حتى مع الحيوانات والبهائم حد يجيب لي حديث في جبران الخاطر. النبي يبجبر بخاطر حيوان - 00:49:06

كان صلى الله عليه وسلم يقول اذا سرتهم في ارض مجدبة فاسرعوا لما تكونوا راكبين على الدوابي بتاعتكم والارض ما فيش فيها عشب اعملوا ايه؟ ها؟ اسرعوا واذا مررتم بارض - 00:49:31

مشعبة مليانة عشب ومليانة اكل ومليانة خير اعملوا ايه واعطوا لدوابكم حقها يعني ايه ؟ انزلوا من عليها وسيبوها تاكل ايه ده خرج النبي صلى الله عليه وسلم في سفر - 00:49:53

فنزل في منزل فجاءت حمرة كأنها تفرش جهة حمرة وده طائر يعني ايه قاعدة تضرب تتقلب كده قدام النبي صلى الله عليه وسلم وتضرب باجنحتها وقال صلى الله عليه وسلم من فجع هذه في فرخيها - 00:50:14

كان لها فرخين لسه صغيرين كده. الصحابة خدوهم ياكلوهم فجاءت قدام النبي بتشكي له قعدت تتنطط تتقلب في الارض كده وقال من فجع هذه في فرخيا ردوا لها فرخيها. ردوا لها - 00:50:36

سؤال هو مش حلال ان احنا ناخدمهم وندبجهم ناكلهم بس تجبروا بخاطرها يا اخوانا والله مش مع الحيوانات والله حتى مع الجماد فاكرين حادثة الجزع كان النبي صلى الله عليه وسلم يخطب على جذع حتى جاء له غلام لاحد الانصار فقال يا رسول الله الا نتخذ لك منبرا - 00:50:53

قال فلما وقف النبي عليه في الجمعة سمعنا الجزع يخور كما تخور الناقة العشاء. عارفين الناقة وهي بتولد؟ شفتهم صوتها وهي تصوف ساعة ما يبجي لها الطلق عارفين الصوت الصعب ده ما سمعنا هوش بس صوت بشع صعب - 00:51:19

قال فسمعنا له حنيينا سمعنا للجزع حنين النبي ساب الخطبة ونزل صلى الله عليه وسلم فاخذ الجزع واحتضنه يا اخوانا ده جزع يا اخوانا ده جزع. فاخذه النبي صلى الله عليه وسلم فاحتضنه - 00:51:37

قال شف يا اخوانا حديث جابر فيقول سمعنا له صوت كصوت الصبي الذي تسكنه امه عارفين بصوت عالي فامه خدته كده وعماله تهزه كده وتطبطب عليه كده فالصوت بدأ يهدى يهدى يهدى قال فاخذ النبي فاحتضنه كأنما يسكنه - 00:51:59

ثم قال صلى الله عليه وسلم اما اني له لم افعل ذلك لحن الى يوم القيامة اذا كان ده جبران الخاطر مع حيوانات مجمدات احنا فين من المعاني الجميلة دي؟ احنا فين من الاخلاق دي - 00:52:24

نرفع الاذان ونكمل ان شاء الله آ يبقى اذا يا اخوانا جبران الخاطر اولاً انما يكون اولاً بالاقوال انك دايمًا تتكلم مع حد وتزني عليه بخير ما تعلم فيه ده من جبران الخاطر - 00:52:42

وهذا هدي النبي صلى الله عليه وسلم. النبي كان بيقول كده ارحم امتي بامتي ابو بكر بيثنى عليه بافضل ما فيه واشدهم في دين الله عمر واكثرهم حياء عثمان واقضاهم علي اعلم بالحلال والحرام معاذ. افرادهم زيد. النبي كان ده منهجه - 00:52:57

دايمًا يبجبر خطورهم في احب حاجة عندهم حاولوا دايمًا يكون ده منهج لكم في الحياة. ما تقوش مطلباتية. لاً. احنا هنتكلم بالحق. ما نبقاش مد حين. احنا ممكن نمدح على طول. انما ممكن نمدح في بعض الاوقات. الامر الثاني ان يكون هذا الجبران او جبران الخاطر انما يكون - 00:53:15

بالفعل انما يكون بالفعال يقول انس رضي الله عنه وان كانت الجارية لتأخذ بيد رسول الله صلى الله عليه وسلم ليقضي لها حاجتها فما يتركها حتى الجارية الطفل الصغيرة اللي تكون عايزة مسلا تروح تشتري حاجة مسلا وعايضة حد يعمل لها تخفيض. فهو اول ما هتشوف اول ما هيشوف معها النبي هيعمل ايه - 00:53:38

يا بنتي ده انت ده انا هديكي فلوسها كمان اذا كان اطفال المدينة يروحوا للنبي صلى الله عليه وسلم. يروحوا للنبي صلى الله عليه وسلم. فالبنت منهم تاخذ ايد النبي صلى الله عليه وسلم كده. فالنبي صلى الله عليه وسلم - 00:54:06

معه لحد ما يقضي لها ايه؟ حاجتها. كان الانصار يستقبلون رسول الله بابنائهم بعد صلاة الفجر يعني تخيل النبي بعد صلاة الفجر خارج النبي من باب المسجد يلاقي بقى ايه نساء الانصار واقفين بابه؟ ها؟ بابنائهم بابنائهم كده قدام مسجد النبي - 00:54:19

وسلم يمسح رسول الله على رأس هذا ويمسحوا على خدي هذا وعلى صدر هذا ويدعو لهذا حتى يفرغ منه واحدا واحدا النبي صلى الله عليه وسلم القصة التي كلكم عارفينها - [00:54:38](#)

بس انا هديكم المعنى ده. معنى ان النبي صلى الله عليه وسلم لما شاف ابو عمير ابو عمير ده الطفل الصغير. ابو عمير ده اللي هو اخو سيدنا انس ابن مالك - [00:54:58](#)

اخوه ابن ابي طلحة عارفين اه عارفين القصة المشهورة بتاعة آآ ابي طلحة لما ابنه مات وكان مريض وزوجته خبت عليه. عارفين القصة دي هو ده ابو عمير. هو ده الطفل ده - [00:55:10](#)

هو ده الطفل اللي مات ابو عمير ده ابو عمير ده كان عنده عصفور صغير وكان من احب ابناى ابي طلحة لابي طلحة. احب ابن لابي طلحة النبي صلى الله عليه وسلم خارج في يوم من الايام مع ابي طلحة وهو خارج معه في الطريق لقي ايه؟ آآ ابو عمير جاي من بعيد عمال يعيط - [00:55:28](#)

مين اللي جنب النبي؟ ابو طلحة واللي جنب النبي من الجهة الثانية انس فالنبي يشوفه بيعيط مين اللي اولى انه يروح يسكته النبي ولا ابو طلحة اللي هو ابوه ولا انس اللي هو اخوه - [00:55:52](#)

يا ابوي اخوك اول واحد جينا وسبق كان النبي صلى الله عليه وسلم كان النبي صلى الله عليه وسلم فطلع النبي صلى الله عليه وسلم كده ثم جلس النبي صلى الله عليه وسلم على ركبته وقال ابا عمير ما فعل النغير؟ ما لك يا ابو عمير بتعيط ليه؟ وبعدين فين العصفور اللي كان - [00:56:07](#)

قالوا يا رسول الله مات نغره. العصفور الصغير بتاعه مات فلا زال رسول الله يضحكه ويمازحه حتى ضحك بعد ما بكى ده اسمه ايه كان مع مين مع طفل مع عيل صغير - [00:56:25](#)

مع عيل صغير النبي يجبر الخطيب جبران الخاطر مش مع الكبار بس مع الولاد كمان يخرج النبي صلى الله عليه وسلم وقد دعاه رجل من الانصار الى الى طعامه. فالنبي صلى الله عليه وسلم خارج علشان يحضر هذا الطعام فالنبي وجد الحسين - [00:56:46](#)

ومعه اطفال يلعبون في سكة من سكك المدينة. لقي الحسين عمال يلعب ومعه مجموعة من الاطفال بيلعبوا فالنبي صلى الله عليه وسلم فتح ذراعيه. فتح ايديه كده. وبدأ يجري على مين؟ ها؟ بدأ يجري على الحسين. والطفل يأتي من ها هنا وها هنا. الحسين يجري - [00:57:04](#)

فالنبي يعمل له كده يجري كده النبي بيعمل له كده قال حتى احاط النبي به فاحتضنه وقبله ورفعته وقال اللهم اني احبه فاحبه اجبر بخاطر طفل اجبر بخاطر طفل النبي صلى الله عليه وسلم - [00:57:22](#)

كما يقول الشريد بن السويد رضي الله عنه النبي صلى الله عليه وسلم صلى بنا ذات يوم صلاة فاطال سجودها حتى خشينا ان يكون قد اقتطع من بيننا. انا خفت لدرجة انه يكون اصابه مكروه او اذى. فرفعت رأسي. الناس كلها ساجدة فرفعت رأسي - [00:57:46](#)

فاذا برسول الله ساجد والحسن والحسين على ظهر رسول الله صلى الله عليه وسلم والحسن والحسين بينزلوا كده والنبي بياخذ بايديهم وبقي بينزلهم. هم نزلوا. يعني هي بتفضل قاعدة لحد ما هم نزلوا. فضل السيد الحدود ان هم نزلوا. خده عارفهم - [00:58:05](#)

ثم النبي صلاته وقال الناس يا رسول الله صليت بنا صلاة ما صليتها بنا قبل ذلك. انت اول مرة تعمل بنا اللي انت عملته ده. اطالة السجود ده اول مرة بتعملها معنا - [00:58:24](#)

كان عادة النبي مع الصحابة ان الصلاة بتبقى ايه خفيفة وقال صلى الله عليه وسلم ان ابناي هذان ان ابناي هذين قد ارتحلان الطفلين دول ارتحلان يعني ايه فكرهت ان انزلهما - [00:58:36](#)

حتى يأخذان من ظهري حاجتهما ما حبتش انزلهم لحد ما ايه ها شفت جبران الخاطر هاتوا لي يا اخوانا حد مريض في المدينة النبي ما صفرهوش هاتوا لي يا اخوانا حالة وفاة في المدينة. النبي ما رحش عزي - [00:58:57](#)

هاتوا لي يا اخوانا حد في المدينة مر بزروف والنبي صلى الله عليه وسلم آآ تركه النبي دين جبران الخاطر يا اخوانا باختصار ان تكون ظهرا لاختك اذا احتاج اخوك الى ظهر - [00:59:20](#)

جبران الخاطر معناه ان تكون ظهرا لاختك اذا احتاج اخوك لظهر سلمان الفارسي شغل شغل رضي الله عنه بسبب الرق كالعبد ما هو سلمان اليهود خدوه وهو جاي من الشام وهو بيدور على الدين وبيدور على النبي خدوه اسروه بقى عندهم - [00:59:33](#)

عايز يحرر نفسه شغل عن غزوة بدر وغزوة احد ما طلّش مع النبي اسمه عبد النبي لما رجع قال قال صلى الله عليه وسلم يعني آآ اعينوا اخاكم ما تسيبوهوش. اخوكم مديون ما تسيبوش اخوكم - [00:59:58](#)

جبران خاطر. جبران خاطر بالفعال. اخوكم مديون اقفوا معه ما تسيبوهوش ويكونوا جنب قال وكان هو كاتب على تلتमित نخلة فكان الرجل سلمان بيقول فكان الرجل يأتيني بالعشرين والرجل يأتيني بالخمسة عشر ورجل يأتيني يأتيني بالخمسة ورجل يأتيني بالعشرة حتى تم ديني. ده جبران - [01:00:14](#)

انك تكون ظهر لاختك في الوقت الذي يكون اختك فيه في حاجة الى ظهر انا اخويا محتاج ان حد يكون جنبه دلوقت. مش في عز محنته انا باتخلي عنه. لأ - [01:00:36](#)

خليك ضهري لاختك ضهري لاختك. اخوك في وقت محنة خليك ظهر حتى وان كان بشيء بسيط. النبي صلى الله عليه وسلم يوم ما جاء الخبر لجعفر بيموت جعفر في غزوة مؤتة النبي صلى الله عليه وسلم قام قايل ايه؟ اصنعوا لايه - [01:00:48](#)

لال جعفر طعاما فانه قد اتاهم ويشغلهم. ال جعفر مشغولين بالمصيبة بتاعتهم اصنعوا لهم طعاما روحوا ادوا لهم اكل شف قارن بقى من الجبر ده اللي كان موجود في زمن النبي وبيننا في زماننا. ان النهاردة الناس اللي بيعزوا لو راحوا ما لقوش اكل تبقى ليلة اهل الميت - [01:01:06](#)

سودا شوفوا الفارق بين الصورتين بين السلطين بص ومن اعظم سور جبران الخاطر هو ان يجبرك الله سبحانه وتعالى في الاخرة ان ربنا بقى يجبرك في الاخرة وهو جبار في الدنيا بس - [01:01:27](#)

يجبرك في الاخرة كيف يجبر الله عبده الطائع في الاخرة اولاً عند موتك يفتح لك بالاعمال الصالحة التي تقبض عليها لان انت في الوقت ده ضعيف يجبرك ان الله اذا احب عبدا عصى قالوا يا رسول الله وما عسله؟ قال يفتح له عند موته بعمل صالح ثم يقبضه عليه - [01:01:53](#)

انك وانت في قبرك يجبرك ما انت ضعيف يثبت الله الذين امنوا بالقول الثابت في الحياة الدنيا وفي الاخرة انك يوم القيامة خارج لارض المحشر حفاة عراة غرلة كما قال صلى الله عليه وسلم - [01:02:27](#)

ربنا سبحانه وتعالى يراك في الدنيا كنت بتجبر كسر الناس. فيجبر كسر الهادة كنت في الدنيا لو شفت حد مات تبقى واقف مع اهله بتجري في تصاريح الدفن وبتجري في تصاريح الوفاة وبتجري في تصاريح مش عارف ايه وانت بتجري اكثر من اهل الميت - [01:02:45](#)

واقف معهم راجل راجل في يوم القيامة قال النبي صلى الله عليه وسلم ومن عز اخوه في مصيبة ها كساه الله من سندس الجنة يوم القيامة يوم القيامة انت مش عريان انت مستور - [01:03:01](#)

جبرك ربنا سبحانه وتعالى وانت واقف بين ايدين ربنا سبحانه وتعالى يجبرك ازاى؟ يقول الله سبحانه وتعالى بعد ما يدني عبده عبد صالح كان له شوية صفائر كده وكان كبيرة عملها كده - [01:03:16](#)

يقول الله سبحانه اعرضوا على عبدي ما كان يصنع من صغار ذنوبه وخبثوا عنه كبارها يقول الله عز وجل الم تفعل كذا؟ الم تفعل كذا؟ الم تفعل كذا؟ فيقول بلى يا رب انا وهو مشفق من كبارها. هو خايف اللحظة اللي اللي تيجي وقت الايه - [01:03:28](#)

وقت الايه؟ وقت الكبيرة فيقول الله سبحانه وتعالى فاني اغفره لك اكتبوه لعبدي حسنات. فيقول يا رب ان لي حسنات ان لي سيئات لم اراها ها هنا ما هي الصغار اتحولت لايه؟ طب انا كان عندي مصايب تانية ما هي برضو هتزوج ايه - [01:03:48](#)

انه يجبرك في وقت زي ده اني كنت واقف بين ايديه يوم القيامة بيقول لك انت عملت ايه في الدنيا مش هتقول له يا رب انا ابتليت في الدنيا فصبرت - [01:04:08](#)

ادخله الجنة انك وانت على الميزان يجبرك انت كنت انسان كويس فيك خير الكبير جدا بس للأسف حسناتك ناقصة حسنة عشان

تربح كفة الحسنات ربنا سبحانه وتعالى يجبرك داود عليه الصلاة والسلام كما يروى في الاثر - [01:04:21](#)

سألوا الله سبحانه وتعالى ان يريه الميزان. انه يشوف ميزان يوم القيامة فلما رآه داود خر مغشيا عليه فلما افاق قال اي رب ولمن يزن هذا يا رب الميزان ده يعني - [01:04:52](#)

مين اللي كافت حسنة في اليوم ده مع عظمة هذا الميزان فقال الله عز وجل يا داود انني اذا احببت عبدي ثقلت موازينهم بشق تمره ربنا لو حبك يتقل ميزانك بنص تمره انت عملته. او تصدقت به. نص تمر - [01:05:12](#)

انه يجبرك على الميزان ان وانت على الصراط يأمنك ما تخافش الصلاة عليه ظلام. يدريك النور اللي بتعدي ان حتى لو في يوم من الايام انا زلمتك زلمتك في يوم من الايام - [01:05:36](#)

بس انا والله تبت ومش عارف اوصل لك عشان اقول لك سامحني على المظلمة دي يجبر كسرك هنا انا كان في مزالم بيني وبين الناس والله تبت منها بس مش قادر اوصل لاصحابها عشان اقول لهم سامحوني. يوم القيامة تيجي يوم القيامة وواحد بايديها

وتقول له يا رب الراجل - [01:05:54](#)

ده زلمني انا عايز حقي هنا في اللحظة دي لو ربنا ما جبركش تضيع. ليه؟ هتاخذ حسناتي كلها وسيئاتك ترميها علي بقيت في النار ربنا سبحانه وتعالى يوم القيامة يقول لك ايه؟ بص - [01:06:11](#)

في الجنة ينظر العبد الى قصورها ورياضها وما فيها من خيرات. فيقول اي رب لمن هذه الدرجة؟ لاي نبي هذا ولاي صديق هذا المكان الفخم قوي ده لاي نبي ولا اي صديق - [01:06:27](#)

يقول الله عز وجل لك انت ان عفوت عن اخيك وهذه من اعظم سور جبران الله عز وجل لعباده انه يجبرك في لحظة لك انت بس اعف عن اخيك. بس كده تاخذ بايديا وتخش الجنة مع بعض - [01:06:43](#)

انه يجبرك ان عملك ما يهلكش اصلا دخول الجنة ولكن دخلك الجنة وبعد كده اول ما تخش الجنة ينادي عليك ويقول لك ها اذا دخل اهل الجنة الجنة واهل النار النار - [01:07:00](#)

نادى الله اهل الجنة يا اهل الجنة هل رضيتم هو في جون اكثر من كده؟ يا رب هم يشوفوا بيقلولوا له ايه؟ عرفوا معنى اسم الله الجبار. فقالوا يا رب الم تبيضوا وجوهنا - [01:07:22](#)

وتدخلنا الجنة وتنجينا من النار يقول الله عز وجل اليوم احل عليكم رضواني فلا اسخط عليكم في رواية في صحيح مسلم يكشف ربنا تبارك وتعالى عن وجهه الحجاب ما اعطوا شيئا احب اليهم نظرتي من لذة النظر الى وجهه سبحانه - [01:07:34](#)

جبران خاطر ومن جبران الخاطر طبعاً ان الماتش الساعة سبعة. زي ما قالوا لي فانا تسعة يعني مكملين. احنا قالوا لي الماتش الساعة سبعة فقلت اخلص الراجل النهاردة عشان اجبر خاطركم - [01:07:55](#)

ربنا يوفقهم يا رب ويكسبوا عشان دي الحاجة الوحيدة اللي قعدت بتفرح الناس دلوقتي الله المستعان. جزاكم الله خيراً. ربنا يا رب يكرمكم في نساء في الشارع ممكن نعتزّر لهم - [01:08:11](#)

هل سفر البنت بدون محرم حرام يعني ينفع تطلع رحلة اسكندرية او مصر لواحد من غير اخوها او باباها هو حرام طالما البنت هتسافر احنا محتاجين معهم محرم مش احنا اللي محتاجين هي محتاجة معها محرم - [01:08:23](#)

حصلت مشكلة على الطريق. حصلت ازمة على الطريق. طلع لصوص على الطريق فاحنا بنقول ان الاصل الاصل ان البنت اذا سافرت تسافر راح حرام ليه النبي صلى الله عليه وسلم قال لا يحل لامرأة تؤمن بالله واليوم الآخر ان تسافر الا مع ذي محرم - [01:08:43](#)

احنا كنا في سنة من السنين كنا مطلعين عمرة وكان معنا حد واحدة كنت يعني كنت انا نهيت ان الناس بيبكون في محرم والكلام ده فقعدت تقول لي ليه اني وليد اني محرم ومش عارف ايه وعندت شوية. واحنا في الطريق آآ ركبنا العبارة طبعاً داخلة - [01:09:01](#)

لما دخلت وقعت هو طبعاً مين اللي بيشيلها ما فيش ستات هتشيل. مين اللي بيشيل اللي تولى امرها ستات واللي كشف على وشها عفوا الرجالة واللي كشف عن وشها عشان آآ كانت تعبانة وعازي آآ مش عارف يعمل ايه كانوا الرجالة - [01:09:18](#)

كشفت قدام الناس وجود المحرم هنا ينفع فالمحرم حفظ ورعاية وصوم للمرأة حفز ورعاية وصون للمرأة اما مسألة الصحبة الصالحة

الصحة الصالحة او الرفقة الصالحة آآ دي ما قال بها الا ابو حنيفة وقال ده في حج الفريضة بس - 01:09:40

الدنيا ما خدتش امان اه اه ادعوا لوالدي بالرحمة ادعوا الولي صديقتي بالرحمة نسأل الله سبحانه وتعالى ان يغفر اللهم اغفر لهم

وارحمهما. اللهم اغفر لهم وارحمهما. اللهم ارحمهما كما رباني صغيرا. اللهم ارحمهما كما رباني صغيرا. اللهم امين - 01:10:00

هل يجوز الشخطة على اسم الله قطع اسم الله بدل الشخطة في حالة وجود ورقة مكتوب عليها اسم الله خدوها في جنب. اعينوها

وبعد كده احرقوها يعني الورق ده يتحرق - 01:10:24

الورق ده يتحرق السلام عليكم ورحمة الله جزاكم الله خيرا ونفع بكم جزاكم الله خيرا طيب اه دم محتاجين دم مين يتولى النهاردة

طفلة في مستشفى اورام انزل اقف طفلة في مستشفى الاورام محتاجة لصفائح دموية. اي فصيل دم - 01:10:36

محتاجين يا اخوانا خمسة عشرة اسمها هي في الدور العاشر اسمها ايمان حامد. الورقة اهين محتاجين عشرة يرفعوا ايديهم دلوقتي.

جبران خاطر تطبيق عملي بقى احنا جبران خاطر بالفعال. ها فين - 01:11:13

واحد اتنين ثلاثة هو اخوكم هيبقى متابع معكم. ها فين كمان يا اخوانا؟ عايزين عشرة اربعة خمسة ستة سبعة ها لسة ثلاثة ثمانية ها

ان شاء الله حضرتك طالع؟ ماشي تسعة لسه واحد؟ عشرة. بعد الصلاة اتقابلوا هنا عند المنبر. وتروحوا ان شاء الله مع بعض بازن الله

- 01:11:25

ايمان حامد في الدور العاشر طيب اه نكتفي ان شاء الله بالقدر ده ونكمل بازن الله اسئلتكم في الدرس القادم ان شاء الله جزاكم

الله خيرا - 01:11:52